

神道大編歷宗通儀

神道大編曆宗通議卷第十七

郭守敬儀象法式

簡儀

簡儀之制四方為趺縱一丈八尺三分去一以
為廣趺面上廣六寸下廣八寸厚如上廣中布
橫乾三縱廣乾三南二北抵南乾北一南抵中
乾趺面四周為水渠深一寸廣加五分四隅為
礎出趺面內外各二寸繞礎為渠深廣皆一寸

與四周渠相灌通又為礎於卯酉伍廣加四維
長加廣三之二水渠亦如之北極雲架柱雲裡
四寸長一丈二尺八寸下為繫雲植於乾銀二
隅礎上左右內向其勢斜准赤道合貫上規規
環徑二尺四寸廣一寸五分厚倍之中為距相
交為斜十字廣厚知規中心為竅上廣五分方
一寸有半下二寸五分方一寸以受北極樞軸
自雲架柱斜上去跌面七尺二寸為橫乾自乾

心上至竅心六尺八寸又為龍柱二植於卯酉
礎中分之北皆飾以龍下為山形北向斜植以
柱北架南極雲架柱二植於卯酉礎中分之南
廣厚形制一如北架斜向坤巽二隅相交為十
字其上與百刻環邊齊在辰巳未申之間南傾
之勢準赤道各長一丈一尺五寸自跌面斜上
三尺八寸為橫軌以承百刻環下邊又為龍柱
二植於坤巽二隅礎上北向斜植其端形制一

如北柱四遊雙環徑六尺廣二寸厚一寸中間
相離一寸相連於子午卯酉當子午為圓竅以
受南北極樞軸兩面皆列周天度分起南極抵
北極餘分附於北極去南北樞竅兩旁四寸各
為直距廣厚如環距中心各為橫闊東西與兩
距相連廣厚亦如之關中心相連厚三寸為竅
方八分以受窺竅衡樞軸窺衡長五尺九寸四
分廣厚皆知環中腰為圓竅徑五分以受樞軸

衡兩端為圭首以取中縮去圭首五分各為側
立橫耳高二寸二分廣如衡面厚三分中為圓
穀徑六分其中心上下一線界之以知度分百
刻環徑六尺四寸面廣二寸周布十二時百刻
每刻作三十六分厚二寸自半已上廣三寸又
為十字距皆所以承赤道環也百刻環內廣面
卧施圓軸四使赤道環旋轉無澁滯之患其環
陷入南極架一寸仍釘之赤道徑廣厚皆如四

游環面細刻列舍周天分中為十字距廣三寸
中空一寸厚一寸當心為數數徑一寸以受南
極樞軸界衡二各長五尺九寸四分廣三寸衡
首斜刻五分刻度分以對環面中腰為數重置
赤道環南極樞軸其上衡兩端自長數外邊至
衡首底厚倍之取二衡運轉皆著環面而無低
昂之失且易得度分也二極樞軸皆以鋼鐵為
之長六寸半為本半為軸本之分寸一如上規

距心適取能容軸徑一寸北極軸中心為孔孔
底橫穿通兩旁中出一線曲其本出橫孔兩旁
結之孔中線留三分亦結之上下各穿一線貫
界衡兩端中心為孔下洞衡底順衡中心為渠
以受線直入內界長竅中至衡中腰復為孔自
衡底上出結之定極環廣半寸厚倍之皆勢穹
窿中徑八度度約一寸許極星去不動處三度
僅容轉周中為斜十字距廣厚如環連於上規

環距中心為孔徑五厘下至北極軸心六寸五分又置銅板連於南極雲架之十字方二寸厚五分北面刻其中心存一厘以為厚中為圓孔徑一分孔心下至南極軸心亦六寸五分又為環二其一陰緯環面刻方位取趺面縱橫軌北十字為中心卧置之其一曰立運環面刻度分施於北極雲架柱下當卧環中心上屬架之橫軌下抵趺軌之十字上下各施樞軸令可旋轉

中為直距當心為竅以施竅窺衡令可俯仰用
窺日月星辰出地度分右四游環東西運轉南
北低昂凡九政列含中外官去極度分皆測之
赤道環旋轉與列舍距星相當即轉界衡使兩
線相對凡日月五星中外官入宿度分皆測之
百刻環轉界衡令兩線與日相對其下直時刻
則晝刻也夜則以星定之比舊儀測日月五星
出沒而無陽經陰緯雲柱之應映其渾象之制

圓如彈丸徑六尺縱橫各畫周天度分赤道居
中去二極各周天四之一黃道出入赤道內外
各二十四度弱月行白道入不常用竹篾均
分天度考驗黃道所交隨時遷徙先用簡儀測
到入宿去極度數按於其上校驗出入黃赤二
道遠近疎密了然易辨仍參以筭數為準箕象
置於方壺之上南北極出入壺而各四十度太
強半見半隱機運輸牙隱於壺中

仰儀

仰儀之制以銅爲之形若釜置於軌臺內畫周
天度曆列十二辰位蓋俯視驗天者也其銘辭
云不可體形莫天大也無競維人仰釜載也六
尺爲深廣自倍也兼深廣倍絜釜兌也環鑿爲
治準以溉也辨方正位曰子卦也衡縮度中平
斜再也斜起南極平釜鑿也小大必周入地畫
也始周浸斷浸極外之極入地深四十大也北

九十一赤道斷也列刻五十六時配也衡竿加卦巽坤內也以負縮竿末午對也首旋璣板竅納芥也上下懸直與鐎會也視日透光何度在也賜谷朝賓夕餞昧也寒暑發歛也驗進退也薄蝕起自鑒生殺也以避赫曦奪目害也南北之偏亦可繫也極淺十五林邑界也黃道夏高人所載也夏永冬短猶少最也深五十奇鐵勒塞也黃道浸平冬晝晦也夏則不浸永短最也

安渾宣夜所亨蓋也六天之書言珠詒也一儀
一撥孰善悖也以指為告無煩喙也闇資以明
疑者沛也智者是之膠者怪也古今巧曆不億
璋也非讓不為思不逮也將窺天朕造化愛也
其有俊明照聖代也泰山礪乎何如帶也黃金
不磨悠久賴也是神禁訶勿銘環也

大明殿燈漏

燈漏之制高丈有七尺架以金為之其曲梁之

上中設雲珠左日右月雲珠之下復懸一珠梁
之兩端飾以龍首張吻轉目可以審平水之緩
急中梁之上有戲珠龍二隨珠僂仰又可察準
水之均調凡此皆非徒設也燈毬雜以金寶為
之內分四層上環布四神旋當日月星辰之所
在左轉日一週次為龍虎烏龜之象各居其方
依刻跳躍繞鳴以應於內又次週分百刻上列
十二神各執時牌主其時四門通報又一人當

門內常以手指其刻數下四隅鐘鼓鉦鏡各一人一刻鳴鐘二刻鼓三鉦四鏡初正皆如是其機發隱於櫃中以水激之

正方案

正方案方四尺厚一寸四周去邊五分爲水渠先定中心畫爲十字外抵水渠去心一寸畫爲圓規自外寸規之凡十九規外規內三分畫爲重規徧布周天度中爲圓徑二寸高亦如之中

心洞底植泉高一尺五寸南至則減五寸北至則倍之凡欲正四方置案平地注水於渠眠平乃植臬於中自臬景西入外規即識以墨影少移輒識之每規皆然至東出外規而止凡出入一規之交皆度以線屈其半以為中即所識與臬相當且其景最短則南北正矣復徧閱每規之識以審定南北南北既正則東西從而正然二至前後日軌東西行南北差少即外規出入

之景以爲東西允得其正當二分前後日軌東西行南北差多朝夕有不同者外規出入之影或未可憑必取近內規景爲定仍按以累日則愈真又測用之法先測定所在北極出地度即自紫地平以上度如其數下對南極入地度以墨斜經中心界之又橫截中心斜界爲十字即天腹赤道斜勢也乃以案側立懸繩取止凡置儀象皆以此爲準

圭表

圭表以石為之長一百二十八尺廣四尺五寸
厚一尺四寸座高二尺六寸南北兩端為池圓
徑一尺五寸深二寸自表北一尺與表梁中心
上下相直外一百二十尺中心廣四寸兩旁各
一寸畫為尺寸分以達北端兩旁相去一寸為
水渠深廣分一寸與南北兩池相灌通以取平
表長五十尺廣二尺四寸厚減廣之半植於圭

之兩端圭石座中入地及座中一丈四尺上高三十六尺其端兩旁為二龍半身附表上擎橫梁自梁心至表顛四尺下屬圭面共為四十尺梁長六尺徑三寸上為水渠以取平南端及中腰各為橫竅徑二分橫貫以鉄長五寸繫線合於中懸錘取正且防傾壑按表短則分寸短從尺寸之下所謂分太半少之數未易分別表長則分寸稍長所不便者景虛而淡難得寔影前

人欲就虛景之中考求真寔或設望筒或置小
表或以水為規皆取端日光下徹表面今以銅
為表高三十六尺端挾以二龍舉一橫梁下至
圭面共四十尺是為八尺之表五圭表刻為尺
寸舊一寸今申而為五釐毫差易分別

景符

景符之制以銅葉博二寸長加博之二中穿一
竅若針芥然以方闊為符趺一端設為機軸令
可開闔楮其一端使其斜勢倚北高南下往來
遷就於虛梁之中竅達日光僅如米許隱然見
橫梁於其中舊法一表端測晷所得者日體上
邊之景今以橫梁取之是得中景不容有毫末
之差至元十六年己卯夏至晷景四月十九日


己未景一丈二尺三寸六分九釐五毫至元十
六年己卯冬至晷景十月二十四日戌戌景七
丈六尺七寸四分

闕几

闕几之制長六尺廣二尺高倍之下為跌廣三寸厚二寸上闕廣四寸厚如跌以板為面厚及寸四隅為足撐以斜木務取正方面中開明竅長四寸尺廣二寸近竅兩旁一寸分畫為尺內三寸刻為細分下應圭面几面上圭梁心二十六尺取以為準闕限各各長二尺四寸廣二寸脊厚五分兩兩斜綢取其於几面相符着限兩

端厚廣各存二寸御入几閏候星正中從几下
仲望視表梁南北以為識折取分寸中數用為
直景又於遠方同日闕測取景數以推星月高
下也

水晶漏



右水晶漏元制甚巧哉

太祖毀之天傳已久矣其渾儀圓圖二尺五寸
強中列十二齒齒長八寸以按十二時齒齒在
輪上轉觸直使之手則繫鼓以報時旁列百齒
齒以按一日刻觸直符之手則繫鉦以報刻丁
甲廟中有十二神騎十二屬相下共一軸齒齒
觸其軸則一時一神立水上矣

水道自混沌天池下呂梁流中江以激渾儀

之輪至分水廟折入南北海會於尾輪注星
宿海黃河逆流瀉入混沌天池而循環不窮
矣

西域儀象法式七段

世祖至元四年禮馬魯丁造西域儀象

咱秃哈剌吉漢言混天儀也其制以銅為之平
設單環刻周天度畫十二辰位以準地面側立
雙環而結於平環之子年半入地下以分天度

內第二雙環亦刻司天度而參差相交以結於
側雙環去地平三十六度以爲南北極可以旋
轉以象天運爲日行之道內第三第四環皆結
於第二環又去南北極二十四度亦可以運轉
凡可運三環各對綴銅方釘皆有竅以伐衡簫
之仰窺焉

咱禿朔八台漢言測驗周天星曜之器也外周
圓牆而東面啟門中有小臺立銅表高七尺五

寸上設機軸懸銅尺長五尺五寸復加窺測之
蕭二其長如之下置橫尺刻度數其上以準掛
尺下本開圓之遠近可以左右轉而周窺可以
高低舉而徧測焉

魯哈麻亦沙凹只漢言春秋分晷影堂為屋二
間春開東西橫鐫以斜通日晷中有臺隨晷影
南高北下上仰置銅半環刻天度一百八十以
準地上之半天斜倚銳首銅尺長六尺濶一寸

六分上結半環之中下加半環之上可以往來
窺運側望漏屋晷影驗度數以定春秋二分
魯哈麻亦木思塔漢言各要至晷影堂也為屋
五間屋下為坎深二丈二尺脊開南北一罅以
直通日晷隨罅立壁附壁懸銅尺長一丈六寸
壁仰畫天度半規其尺亦可往來規運直望漏
屋晷影以定冬夏二至

若來亦撒麻漢言渾天圖也其制以銅為丸斜

刻日道交環度数於其腹刻二十八宿形於其上外平置銅單環刻周天度数列於十二辰位以準地而側立單環二一結於平環之子午以銅丁象南北極一結於平環之卯酉皆刻天度即渾天天儀而不可運轉觀測者也

昔來亦阿兒子漢言地理志也其制以木爲圓毬七分爲水其色綠二分爲土地其色白畫江河湖海脈絡貫串於其中畫作小方井以計幅

圓之廣袤道里之遠近

凡速都規刺不定漢言晝夜時刻之器其制以銅如圓鏡而可掛面刻十二辰位晝夜時刻上加銅條綴其中可以圓轉銅條兩端各屈其首為二竅以對望晝則視日影夜則窺星辰以定時刻以測休咎皆歟鏡片三面刻其圖凡九以辨東西南北日影長短之不同星辰向背之有異故各異其圖以畫天地之變焉

趙錄督儀象論

渾天之儀有三曰六合儀三辰儀四游儀共為一器所謂六合儀者平置一黑環準為地平列十二辰及八方四隅其上又置黑雙環並結於地平之子午半在地上半在地下北為天脊其側刻為周天去極之緯度從地平子位而上三十六度夾小板於黑雙環之間板通圓竅北為北極又從地平午位而下三十六度亦夾小板

為數以北南極別置赤單環此為赤道於上刻
周天之經度結於地平之卯酉其最高處結於
北極之南九十一度即天頂之南三十六度也
四環之結如天地之定位赤環雖刻周天經度
寔乃周地之經三百六十餘度黑環雖刻周天
去極之度寔亦周地之緯度三百六十有餘蓋
六合儀不以運轉而天體則左旋故言周地不
言周天也

所謂三辰儀者亦宜黑雙環與六合儀之雙環
同而圍徑小所刻始為周天去極之度其雙環
北板竅與六合儀北板竅相通共貫以南軸圓
板亦然軸圓則雙環轉運於六合儀內轉非定
體故為周天去極度亦置赤單環如六合儀者
附結於雙動環之上去極九十一度是為卯酉
兩月之日躔而其上始刻周天赤道之度可以
隨雙環而運轉別置黃單環附結於赤環外西

宿度仍刻周天黃道度数恐亦黃兩環動搖又
作白環以輔之使無欹傾而五環乃總為三辰
儀

所謂四游儀者亦置黑雙環與三辰儀之雙環
同而圖徑又小其上亦刻周天去極度其北極
板竅與在外二板竅通一軸南板亦然此雙環
內各置一直幹名曰直距如圓扇之脊與兩極
相比數均上下俱夾外軸量兩距之長取其當

半作圓或別置一圓板其心貫以八尺之衡管
圓板兩旁聯為圓軸橫距道直距之兩旁軸圓
可轉則衡管可以南北低昂而窺天復隨此變
環東西轉運無往不可窺望故謂之四游也窺
管長八尺故四游之環徑八尺在外者以次漸
寬若測望各宿星躔去極度数並於三辰環上
驗之又於南軸之外接連一長木貫定水論引
水運之使南軸因而轉運一晝夜而周以比天

體之繞地一周也三辰儀上布列珠玉比為星
象即璿璣玉衡之遺制也

測經度法論

論測經度法古法夜驗中星知黃道各宿度数
乃參之於渾儀而赤道分經之度於渾儀上以
黃道推之去赤道距兩極之數南北不殊其十
二次之度必均黃道則半偏南而半偏北各次
宿度有多少而又日躔歲差理宜先測赤道以

分天體乃以赤道推變黃道之度然其間渾儀
有不能盡測者今別立一法以測之先求地中
准舊制置刻漏壺箭而每箭分一百四十六畫
半晝夜之間易水五十次箭之浮沉亦各五十
於是一日不云百刻乃云百箭矣天體一日繞
地一周運行三百六十五度餘四之一其運一
度則箭之浮沉為四十畫百箭總一萬四千六
百五十畫乃一周之數也此壺漏不常用止以

測經星之度數別立四木爲架架上平列二板其厚五寸許二板之間留一直鑄其濶不及半寸正指子午中向星昏見時當鑄底尺餘仰視俟各宿距星東當鑄間即令守壺者視箭畫之數秉筆以記箭畫間以五色巧便於夜視之然必置四壺立兩架同時參驗庶無差忒且須測半周天度俟半年後更測之也

測緯度法論

論測緯度法渾儀不可測經度亦不可測緯度
既別置測經度法則測緯度法亦當更為之其
壺箭與經度之架皆在所不用宜即地中立四
木為架不限高低須正向子午而旁夾卯酉架
上交二木如十字而十字之木不直子午卯酉
乃斜構於四木當交之心樹一木為表約高六
尺於表首作竅可令通線架南別樹一長木約

高丈餘距架丈餘而遠乃卽表木竅南下二尺
許鑿竅置一平木約厚二寸濶四寸橫構於架
南之長木其平木正指子午上鑿渠置水以取
正而左側均畫九十一度有奇為周天四分之
一盖用一寸准一度也又卽平木之上一寸許
重加一平木刻畫與下平木同而當畫處皆作
竅可令通針其下平木則作淺竅以承針針長
二尺許挿平木最南之畫竅而針竅以線繫之

其線穿於表首之竅引過竅北表北置竅筒長
五尺餘上下有環上環結於所引之線下環繫
於表根而窺筒直倚表北矣筒既端直乃於筒
底直窺高高別令人當架前移針線亦漸縮針
逐畫北移而衆星所在之度從可測也測者言
之人別令人筆記之當先測北極不動處定於
平木以為的乃從最南度測起漸移九十一度
以至最北及星象漸轉復如前測之凡測望至

曉則最低之度升至最高高則度密低則度疎
而平木之左所畫均度不可移改更考南密北
疎之度分畫於右側亦為周天四分之一然又
必先測赤道經度求地平上下或東西日所出
沒亦止半周天則南北緯度亦當增畫於平木
矣測望已審復移架指北向木亦移樹表北與
測南不殊但不用均畫之度唯以疎密之度測
之宜用兩架而測以數夜庶彼此同異可以參

較南北俱已測定則其畫數必合半周天度或
有餘度乃因地上天多故也所測止半周天餘
半周天當更測於半年之後一法鑿地為方穴
而立架穴中蓋恐方向有動移耳_者

目輪觀天論

論目輪觀天物小而近蔽遠則多日月之行通
於列宿雖若依躔而相去懸遠測望不同試畫
紙為輪其輻輳比三百六十餘度輪圍比宿之

躔較竅比六合之中復剪黃紙日為黑紙為月
日大月小圍徑相倍於輻度內置日月同纏月
近較中日近輪際蓋近中則度狹際遠則度廣
日月雖大小不同而俱占一度也復置日月距
終之數以黃色畫日道黑色畫月道各取日月
體心為距數別用薄紙畫為大輪與前小輪同
而周徑倍之謂之目輪其較竅以比測望之目
以大輪加於小輪則目瞳在六合之中因即其

處偏望月體所遮正在本度矣然地平不當天
半日輪須令低就低仰望則月體所遮之度非
本度矣此非特比望各宿經度而亦可比望去
極之緯度也

立表占景論

論立表占景立表於地中高四丈表首置一大
圓器表下四傍平地廣塗以白而黑畫方眼如
基秤每眼方一寸縱橫正向子午卯酉即其上

推測四時日景九道月景以考其東西南北疾
遲之差或日月兩景相記因以求月食分数并
虧圓時刻起復方位八方偏地亦可如是測之
然但可推測日食若月食則推步日度相對不
可以兩景相犯而推也

地有偏向論

論地有偏向地中有子午卯酉四向四向既正則輪盤二十四向皆正矣然八方之地各有偏向春分前二日秋分後二日此兩日卯酉時日在卯酉正位設地偏南北則卯酉表景不相直北極為子正之位日中太陽為正午之位設地偏東西則子午表景不相直故於偏地而欲取正四向以分輪盤則二十四向疎密不均首尾

不對矣要當各立偏向而先審定偏卯偏酉之
方置為木架如測經度者其上所列兩木直鐫
指偏卯酉以測望天脊之緯度天脊緯度與北
極最近天脊兩旁東西之緯度當鐫內者距天
脊愈偏則距北極愈遠苟其鐫所指得偏卯酉
之真則脊旁之度均偏矣大抵偏卯偏酉者或
以正辰正申為對或以正寅正戌為對偏子偏
午者或以正丑正巳為對或以正亥正未為對

而二十四向因可定也此法乃憑天象以測地
向若世所用指南針要亦可准試即偏地用之
驗其所指者正午歟偏午歟使偏地而指偏午
則二十四向皆隨偏午而定而亦可因以測天
苟指正午則偏地難指正向午雖正午而子非
正子首尾不對一向既差餘向俱差矣此不可
不辨也

隙景大小論

論隙景大小室有小隙雖不皆圓而日景所射
無不圓者及至日食則隙景亦如所食分数又
隙之大小雖不同而景之周徑則相等但隙大
者景濃隙小者景淡設以物障所射景迎視之
則其景少較小而加濃矣所以然者蓋大隙之
景必隨其隙之方圓長短以為形因隙大足以
容日月之體也小隙不足容日月之體故隨日
月之形而景皆圓及其缺則皆缺也隙漸小則

景漸淡景漸遠則周徑漸廣而愈淡大隙之景
漸遠周徑亦漸廣而濃則不減理固然也試即
兩樓之下左右各穿圓竅圓徑皆四尺作二圓
板圓徑與竅同植千燭其上燃之置竅中以比
日月復作一圓板圓徑稍廣覆於竅口覆板之
心各開方竅竅所以方者見其景因小必圓也
左板之竅方寸許右板之竅方半寸所以一大
一小者見其大則景濃小則景淡也仰觀樓板

所射二圓景雖周徑不甚殊而濃淡則有異於
是燭之光之竅也景也四者之間消長盈虛之
故從可考矣且千燭則千景小竅之千景如魚
鱗相依布置周遍大竅之千景如沓紙重疊上
下參差大則總一竅之景似無千燭之分小則
無一竅之全乃分千燭之景蓋小景隨光之形
大景隨空之象故也

論勾股之法

勾股之法用以測天然高深廣遠不易推步姑以淺近言之塔高十丈於塔之正東立一木表其高二丈於表東席地而卧西望塔頂見塔頂雖高止與表首相齊於是自塔心量至表根為數五丈又自表根量至測望之眼為數一丈二尺五寸再立一表於前表之正東其高亦二丈從復表正東如前望之見塔頂亦與後表之首

相齊兩表相遠為數三丈自後表之根東至測
望之眼為數二丈其兩表相遠三丈名曰表間
前目距前表一丈二尺五寸名曰前景後目距
後表二丈名曰後景前後兩景相多七尺五寸
名曰景差謂之景者假若塔頂燃燈用以為准
也夫移表三丈而景差七尺五寸則其表每移
一丈差二尺五寸也設移前表過西一丈景必
減一丈再移過西四丈景必減盡無餘猶表直

於戴日之下則無景也是知塔心與前表相距
五丈矣乃以後表名為小股後景名為小勾勾
者矩之短曲也股者矩之長曲也矩即曲尺是
也以塔心矩前表之五丈通表間之三丈為八
丈更加後景二丈總十丈為大勾則以塔頂之
高款為大股必十丈矣苟不用後表後景為小
勾股而止用前表前景以求塔高亦可乃以前
表二丈為小股前景一丈二尺五寸為小勾遂

以前景一丈二尺五寸通前表距塔心五丈總
六丈二尺五寸為大勾而塔高之數為大股以
小勾股為大勾股之則例則小勾每一丈為小
股一丈六尺今大勾六丈二尺五寸大股必十
丈矣此一表之法蓋已知塔遠而止求塔高若
前兩表之法則初所不知故先求塔遠因憑其
遠以求其高也於是以前塔頂喻日月之高以燈
景喻日月之景星無景則以目就地望之以為

準日月星辰之為高既以測知而其所以不附
天而自運亦可知也然塔之為物高數不多兩
表相距三丈已可以則若三辰之高則必兩表
相距數百里而後可然路里遙遠難取徑直古
法測景者所以有千里一寸之差也

論乾象周髀

日之圓徑一度以筭術求其周圍記三度一十
四分一十六秒月之周徑似之赤道周天三百

六十五度二十五分七十五秒則其中徑一百一十六度二十六分五十一秒徑當周中如圖扇夾脊平分兩旁即為南北二極相距之直數折半得五十八度一十三分二十五秒有奇是為六合各距天中之均數天體正圓東西南北皆然凡相距平分之數皆圓中之徑也古法圓徑一尺周圍三尺以今考之圓徑一尺而周圍三尺為有餘周圍三尺而圓徑一尺為不足蓋

徑一圍三乃六角之田耳故或以圍徑一尺周
圍三尺一寸四分或以圍徑七尺周圍二十三
尺或以圍徑一百一十三尺周圍三百五十五
尺夫徑一尺而周三尺一寸四分猶徑多而圍
少徑七尺而周二十三尺則徑少而圍多及徑
一百一十三尺而周三百五十五尺始為精密
今求日周天徑即其法也試畫紙為方圍如棊
秤百眼每眼廣一寸橫十寸名勾相距於東西

縱十寸名股相距於南北斜十四寸有奇名弦
相距在四角之交乃即方圖之內畫為圓圖而
去其方之四角圓徑十寸與外方之股數相同
而圓徑名髀矣圓之髀北方之股其數相同特
方圖有異耳別就圓圖之內畫小方圖其小方
四角斜抵東西南北之四正在坎離震兌之位
而外大方四角在乾坤艮巽之位也小方四角
斜弦十寸尚是圓中之髀其數不殊於外方之

股以外方而比內方包容之積相半外方積百
寸內方積五十寸蓋以外方均作四隅而視之
則半歸於內半出於外也於是知圓中之直解
即內方之斜弦內方既用爲弦圓中難以名股
勾股與弦名不可紊故稱解以別之也內方之
弦十寸以自乘得百寸名弦幕者覆物之中
方而有眼數自乘之數必方故曰幕凡弦幕必
兼得勾股兩幕之數分圓方而縱橫相同當以

弦幕均為勾股兩幕各得五十寸而開方即如
勾股皆七寸有餘考究圓圍本原於此乃別用
薄紙剪圓臨於方圖之上摹小方之廣以筭術
展為圓象充滿圓圍自四角之方增為八角曲
圓為第一次及第二次則求為曲十六第三次
則求為曲三十二第四次則求為曲六十四加
一次則曲必倍至十二次則為曲一萬六千三
百八十四其初之小方漸加漸展漸滿漸寔角

數愈多而為方者不復方漸變為圓矣故自一
二次求之至十二次精密已極若復節節求之
雖千萬次而無終窮然必逐節為大小勾大小
股大小勾幕大小股幕小弦小弦幕大弦大弦
幕而大弦大弦幕不必節次為之止用本數而
已矣以十二次曲數一萬六千三百八十四乘
之得三千一百四十一寸五分九厘二毫有奇
則千寸徑之司圓也置此周圍之數降呼為三

尺一寸四分一厘五毫九絲二忽有奇而以一百一十三乘之果得三百五十五尺此其為法所以極精密也大抵方為數之始圓為數之終圓始於方方終於圓周髀之術無出於此矣

秘錄神道大編曆宗通議卷第一十七終

神道大編曆宗通議卷第一十六

唐希元沙漏法式

五輪沙漏銘

載皇明文衡

沙漏之制貯沙於池而注於斗凡運五輪焉其
初輪軸長一尺有三寸圍寸有五分衡奠之軸
端有輪輪圍尺有二寸八分上環十六斗斗廣
八分深如之軸秒傳六齒沙傾斗運其齒鈞二
輪旋之二輪之軸長尺圍如初從奠之輪之圍

尺有五寸輪齒三十六軸秒亦傳六齒鉤三輪
旋之三輪之圓軸若齒與二輪同真如初輪秒
亦傳六齒鉤四輪旋之四輪如三輪唯真與二
輪同軸秒亦傳六齒鉤中輪旋之中輪如四輪
餘輪側旋中輪獨平旋軸宗尺有六寸其秒不
設齒挺然上出貫於測影盤盤刻十二時分刻
盈百斲木為日形承以雲麓於軸中五輪犬牙
相入次第運益遲中輪日行盤一周雲脚至處

則知其為何時何刻也餘輪各有樞附度中輪
則否輪於沙池藏於几腹盤露几面旁列黃衣
童子二一擊鐘一鳴鉦亦運衍沙使之沙之進
退則旦視焉此其大畧也初涑陽水善水雖變
鼎沃湯不能為漏新安詹君希元乃抽其精思
以沙代之漏成人以為未嘗聞較之郭守敬七
寶燈漏鐘鼓應時而自鳴者殆將無愧乎浦陽
鄭君永興希元游京師因知其詳歸而制之請

餘銘銘曰

挈壺建漏測以水用沙易之自詹始水澤腹
堅沙弗止一日一周興天似鄭君繼之制益
美請惜分陰視斯畧

用沙漏凡例

一沙傾斗運用以合天若一輪擬之則其勢迫而動速維微數約沙以緩之與天道恒過千有餘轉故不得不重其輪以進其進至五加而後昭合唐君體驗可為悉矣第北塞風沙不經水汰取而用之阻塞十常八九為硯礪不圓活一經窄碍則互相依倚堆積不行沉漏數止可納芥望其中度不亦艱哉今予竊取作者之意推

而演之初輪六運則二輪始轉一周以六類因
中輪日一周則初輪必一千二百九十六匝矣
序云次第運益遲其意可見然輪之轉次若是
其多而所用漏竅如此之小今欲沙之常流則
莫先擴竅欲擴其竅非增輪不可也今斟酌緩
急加以十二齒之小輪測驗經月晝夜無間始
得辰刻所在絕無先天後天之謬大率初輪行
二千五百九十二轉則日之百刻始周周而復

始循環用之則千歲之啓刻一撥矣

一沙用極細者去其土始每次輪面亦要篩淨
若小有不潔則漏不協啓矣

一日周用沙七斗今櫃中止容六斗有奇須每
卯酉時添視一次庶幾不致乏絕

一漏沙有數竅在銅葉間可以開闔若欲行漏
則全入之欲止則入其半倘阻塞出而復入垢
物隨沙自下矣

一欵出輪修視先其更點漏之針提其鉄軸則
中輪隨起二三寸然後取去兩頭木釘連架棒
出恐傷輪齒務須仔細視畢則如法入之

一更點樓中若有塵垢則丸下易於阻積常次
拂拭潔淨倘丸下停滯即當以手援摸投丸試
之其路自通倘欵出樓於外須將中輪更點輪
各取其丁出其鉄軸然後可取更樓視畢如法

入之

一銅人杖末指處即其時刻其人可以四面周旋裝樓時先測定日晷辰刻以定銅人既定則不可移易隨其所指而考驗之自與天運脗合矣

一每日酉時安置更點樓中瓦子將兩班筒子豎立照更點粧畢以次安於柱上務要照直不可斜杓然後以線繫住打更筒子須要與樓上時刻相對為准

一冬夏夜有修短各置更籌十一根隨節氣更
番南北亦可通用

制沙漏法

凡沙漏之制原用五輪輪設三十六齒每如式
置之恒病其沙竅太小而易於阻塞試之並無
一日不阻者予多方測驗取其適中之制開列
於後以俟同志者之訂証焉

舊制五輪第一輪十六斗餘四輪皆三十六齒
木輪圓圓一尺五寸徑四寸七分六厘一輪六
轉二輪一周一輪三十六轉三輪一周一輪二

百一十六轉四輪一周一輪一千二百九十六
轉五輪一周木輪每齒俱隔四分一厘六毫無
異

前件沙竅太小頻阻塞不堪

一制用四大輪輪用四十齒第一輪如前餘三
輪圓圍一尺六寸八分徑五寸三分三厘一輪
六轉六二輪一周一輪四十四轉四三輪一周
二百九十六轉四輪一周一輪一千九百七十

三轉五輪一周

一制用四大輪。用四十二齒第一輪如前餘
三輪圓一尺七寸六分四厘徑五寸六分一輪
七轉二輪一周一輪四十九轉三輪一周一輪
三百四十三轉四輪一周一輪二千四百〇一
轉五輪一周

一制用五小輪。用二十八齒第一輪如前餘
四輪圓一尺一寸二分徑三寸五分半一輪四

轉^六二輪一周一輪二十一轉^七三輪一周一
輪一百〇一轉^六四輪一周一輪四百七十四
轉一五輪一周一輪二千二百一十二轉六輪
一周

前第二制似得中制可用

前第三制不患沙阻但恐沙太多亦可用

也

前第四制正得中制可用

一造輪維有制而沙穀無定準欲其寬窄中度
最難而遂時更改亦不易難從口中急數數
得一百六十餘而斗輪一周始得中制可試亦
當隨人口之緩急也

一漏爵高三尺六寸方濶一尺七寸離地二寸
五分設四框、上一尺又設四框、再上八寸
尺四框對面一尺五寸五分下框閣抽替下中
框置隔校上中框閣沙斗厨面上制時亭一座

欵置盛沙斗湏先置一大框於上中框偏中以
閣之欵其流沙下於十六斗也厨中置一竹筒
以通輪軸下中框之上上中框之下適中處置
兩閣輪框以閣五輪之架

混儀更漏

非儀不可以揆天非機不可以法運非物理渾
融無以握其微而御乎顯也別徧廣漠窮之無
極人固難乎其為天之體象矣然虛靈所容大
無外而小無內焉者是豈天之所以能越範圍而
超然者乎故嘗建儀咫尺傍觀而玩味之未始
天地不為吾心之一物耳無兢惟人豈虛語哉
玄文不敢廣肆姑錄其制器之槩以求正焉厥

儀上圖下方圖而動者法天方而靜者法地以
地涵天人由傍視是用反形形之也天體立圓
徑九寸一名渾天毯上列中外官星黃赤二道
宿次廣狹北極上規常見不隱內置極管徑二
分長一寸以受擎天柱南極下規常隱見不當
極開竅圖徑二分擎天柱長尺有三寸圓徑二
分入南極竅直抵北極管中務使寬窄適宜以
便天體轉運柱本入於地儀南竅中準出地三

十六度斜倚之勢莫之惟固地儀高九寸有奇
方徑尺有二寸上有面而下有底奠於水海之
上面開空闊二尺八寸有奇中函天體之半內
柱二南北置之以真機軸面刻二十四而區為
百刻上建量天尺南北亘之辰刻半環東西跨
之有所謂持盤陰陽旗水則籤指南針者皆有
所司以鎮面之四隅復有四圖若山河兩戒日
月交會怪雲變氣中星更點者俱附於廉之四

正以備考驗也。此儀左有門而右有廚，進水則附斗於門，廣吏刺通索於軸，水海一名海高二尺有半，方如地，儀注以水離底寸餘，置龍首，啣玉為漏水，從玉覈出，覈可納芥，浮于圓徑七寸高三寸中空而浮，隨水高下可久用而不變者也。上有紐，係索轉軸，大抵水滿則漏速而時段長，水減則漏遲而時段短，時周十二而餘水五六寸者為善，否則漏下澁弱，時刻不易明矣。百刻

既周添水循環用之添水有斗斗有縵以除水
垢水苟不淨則漏竅易塞而諸動皆息是故進
水不可以不慎也海之注水不滿二寸為穀水
則籤測水盈虛以穀為則每裝水必視籤出銅
人手以為進止機軸莫於此儀中腹運天體首
轉時盤頸約更點之疾徐尾均漏行之遲速運
天者腹必二轉而一周天仍過一度擬其健也
轉時者首必二轉而周十二時要其協也鳴更

則視厨中時刻以定金錢依節氣以置籌柱南北殊制修短自符矣尾均漏行先用浮子載尺考畧畫時計其首尾長短及統長之數以求平行差分即得遂時濶狹以所用銅索識之均分軸尾爲六考索制道浮子擊之勢必隨水而下軸必隨索而旋是故水有遲速軸尾齊之儀有大小軸腹範之而百凡運動庶幾並行而不悖殊途而同歸矣若夫日月星辰之運山河分野

之占凌犯交食之淺深陰陽升降之分別怪雲
變氣之所以吉凶至於指南之定向辰刻之周
旋於其夜而寢也則有金鼓為之自鳴聲鼓之
謂更聲金之謂點聲無不咸得要會昭合自然
此蓋朝形少聲備聞見所以敬昊天而宜世用
也是器之以銅為之其質朴而其理該其體輕
而其用廣可以置之居室可以隨之宦遊以至
行軍畧地登高臨深無往而不過其用也

一安壺以龍口向南畧高置五六寸漏下可以用器接水次以銅索繫住浮子連蓋奠於壺上以竿爲南准取去渾天趺次安更點廚於壺右隨壺高下廚東有竅。與蓋竅相對然後以銅管自蓋竅貫入廚竅用銅釘橫貫之不使搖動次用軸頸繩由銅管貫過及廚西竅係住銅墜子壺內軸轉則銅墜下行更點自鳴矣次將軸轉起浮子以銅鈎貫住次將擎天柱貫入趺內

暗管中連繩雙手裝上蓋口內隨將右手由門
入揅擎天柱務搖牢固天繩旋轉庶無側碍之
患次裝量天尺卯東酉西次以紅紙剪為日形
廣一尺照曆粘於黃道宿度間日更一度將次
水斗裝於蓋門進水量用水一石視蓋上水則
籤漸起若止字出銅人手上次上轉時盤辰刻
務與陰陽生手指相值為準隨將樞軸銅鈎取
脫視二處時則不差可是否則正之以索繫為

度即放龍口水太陽與時刻自然運行與天胞
合

已上迺初裝之法似若繁瑣每日則不然裝之
甚易假如昨日巳時下漏至次日巳時一刻已
周晝夜湏將接時小漏盂另水浮之即塞壺浮
口照前裝水已畢視小盂內所過刻數加之此
蓋恐陰雨而設若晴明則兼視日影自相符合
矣

渾儀內安座物件

混天毯一個

壺身一座

龍首玉嘴俱全

大浮子一箇

壺蓋一座

四傍圍說四片

蓋上銅人四座

水則籤一件

下有小浮子

時盤一件

陰陽消長旗二面并桿

時刻半環一條

量天尺一根

指南針一件

蓋內轉軸一件

并鐵梁

銅索二條

銅鈎一件

銅引條并轉子時擇一付

水斗一箇并銷羅銅筐

接時五一箇

制更籌時刻立成

恒氣

積度

積度

夜刻

入星

星見刻

除時

每點刻

更點不用刻

更點是用刻起更時刻止更時刻 半夜更點刻

冬至

初度

正一刻

合

五十六刻

合

二刻

元

九刻

四九

四十六刻

正

正一刻

卯初三刻

二

二刻

八七三一

十五度

六十六刻

合

五十六刻

合

二刻

三

九刻

七一

小寒

四十六刻

正

正一刻

初二

二

二刻

六六六

大寒

三十五度

五十九刻

合

五十六刻

合

二刻

一九

八刻

四九

小雪

立春

四十六刻_四正一 初二 二三_四八

四十九度_六五十七刻_三五十二刻_三二刻_九六

八刻_四三

四十四刻_七正二 初一 二三_四五八

雨水

六十三度_三五十五刻_八五十一刻_八二刻_三三

八刻_三四

四十二刻_六正三 初初 二_三五三

驚蟄

七十八度_四五十一刻_三四十七刻_三一刻_九九

九刻_五六

寒露

三十九刻_三成初初刻 寅正三刻一九_八六六

春分

九十三度_一五十一刻_四四十五刻_四一刻_八二

七刻_六三

清明
白露

穀雨
處暑

立夏
立秋

小滿
大暑

三六刻_初一 正二 一九_{〇七三九}

七六度_四四七刻_〇四十二刻_〇一刻_〇六刻_〇

三五刻_〇初二 正一 一七_{九三四三}

六五度_九四四刻_〇三十九刻_〇一刻_〇六刻_〇

三三刻_〇初四 正初 一六_{九六〇七}

四七度_〇四十一刻_〇三十七刻_〇一刻_〇五刻_〇

三十一刻_〇正初 初三 一五_{七三四一}

三五度_一四十四刻_〇三十五刻_〇一刻_〇五刻_〇

芒種
小暑

二十九刻_{四五}正一
初二 一四_{七五}

一十五度_{一九}二十刻_{六四}三十三刻_{六四}一刻_{三四}五刻_{三八}

二十八刻_{二六}正二
初一 一四_{二〇三}

夏至

初度 三十刻_{九五}三十三刻_{九五}一刻_{三三}五刻_{八一}

三十一刻_{三五}正二
初一 一四_{九二五}

漏旁更點制

更厨四柱高二尺八寸橫濶一尺一寸五分縱
濶一尺一寸五分自地面量上六寸置橫框一
道內鋪底板再上五寸為中下框一道再上一
尺四寸為中上框一道再上三寸即頃框也
前開門二扇於中段兩框之間頃蓋一扇皆可
開闔其餘各裝以板更接一座兩頭皆板直立
高二尺一寸濶八寸五分接內自上量下一寸

八分即是更籌之處兩邊鋪板畫時中分五道
中一道置籌餘四道置溜槽兩道二層外兩道
四層皆陡二寸再下二寸即鑼鼓、厚二寸圓
徑五寸鑼差小則可用下即底板四周高中間
下如斗狀陡亦二寸中有口欵其彈下速而有
歸也再下即盛彈抽替抽替設於樓下廚底之
上中下框之下也

第二第四層溜槽各有橋閘輪軸擊鼓者中槽

置之西路總於一閤鳴點者中層置曲道二彼
此自用下層始用橋閤橋閤者抑其疾而使之
徐，則更點分明其機莫甚於此巧莫妙於此
也惟在精微活動籌上有柱身長一寸六分根
長三分更籌長如樓面從莫之
更點有筒，長二寸六分為更筒，長一寸七
分為點筒相配成副共二十有一置於樓面高
於時刻一寸三分更筒尾開竅貫鉄條分列於

面旁更筒首有針用時卦加柱上內盛鉛子時
至筒下更點自鳴矣

夜有修照短故更籌一十一根照依時序用之
南北地方既殊日之出入亦異須照北極出地
高下另置更籌說載別稿

厨頂東框中開一竅圓徑五分務與壺竅相對
可貫銅筒以通繩索。有墜子及金錢小圈漏
下則軸轉軸轉則繩鬆而墜下墜下則小圈推

錢以行發筒鳴更矣

夜裝更點視廚中時刻照壺上刻數定其金錢
與小圈各筒照更點裝鉛子架於柱上畢則以
蓋之則更點自鳴時刻不爽更籌十一根依節
氣換用其溜槽中日久恐塵積則子下滯澁時
宜拂之亦不可致損關節壞則更點不均或因
而阻塞

竊考自古更點起止皆有定制以每日初昏星

見至曉星隱相距刻數均作二十五點更盡點
二點人物未靜制故不鳴至一更三點始鳴鐘
禁夜起更至五更三點人物皆動曙色將開故
更止鳴鐘弛禁今各處更點相沿日久早晏不
同皆無定制惟京師至今無差至如晝夜修短
在，亦異皆隨北極出地高下以為增減如南
海北極出地一十五度夏至夜刻四十六衡岳
北極出地二十五度夏至夜刻四十四岳臺北

極出地三十五度夏至夜刻四十和林北極出
地四十五度夏至夜刻三十六鉄勒北極出地
五十五度夏至夜刻三十北海北極出地六十
五度夏至夜刻一十八今考北直隸及雲湖北
極出地四十度夏至夜刻三十八山東河南居
南北之中皆為中土夏至夜刻四十一以此置
籌兼其南北每付一十一根皆有字號須分別
用之

更廚每座事件

更廚上頂面一扇可開闔 抽替一格

銅管一件

銅墜子一箇

更點筒二十一根

廚內更樓一座

銅柱二十一根

溜槽大小十一根

銅梁一根

金錢一箇

鑼鼓各一面

鉛子一百九十九

更籌二副每副十一根

鐵是一件

更制沙漏說

沙漏之制

國初新安唐君希元始創之蓋為水漸窒竅漏
莫能行乃以砂代砂行太疾未協天運於斗輪
之外復加四輪輪有齒皆三十六犬牙相入遞
轉益遲思誠巧矣但櫃端設日影雲脚以指時
盤諸儀未備且病其竅之太窄而砂之易於堙
也乃更制之輪益以六其五輪悉三十齒乃微


裕其竅運行始與啓協復設臺於厨頂而斜卧
渾儀於其上以法日月星辰之運二道出入之
由經星天漢之浮沉相躔度分之發歛內走軌
牌之人以報時刻立陰陽二幟以明晝夜分建
右左接閣以司時宜旁繪四圖以俟氣觀文經
緯並行而不悖升降異道而同歸至如交食之
淺深凌犯之輕重怪雲變氣之殊形昏明消長
之定式山河兩戒之分野亦皆悉具又效古更

更枕之制乃另設一櫃而右奠之竅旁以通機
於是列管駕柱以貯更點之凡輪轉機行以時
金鼓之振中由圓閔聲斯勻發而朗鳴按氣易
籌修短咸若此蓋出於自然者裝法具在
砂漏六輪之行機同而勢異要在末輪法天一
日一周而首輪必三千一百二十五轉然後數
始協是皆五六相因不容毫髮差亂者也
紀數以首輪為主 首輪立西而後第二輪一


週 首輪二十五匝而後第三輪一週 首輪
一百二十五匝而後第四輪一週 首輪六百
二十五匝而後第五輪一週 首輪三千一百
二十五匝而後第五輪一週 中輪行一齒則
首輪週一百有四而日晷一刻有三分刻之一
矣

裝漏先奠底櫃務求乾潔明爽處所安之
次奠二厨於櫃上中置管通繩以備鳴更之用

奠六輪架於砂厨腹中自速而遲以法天運
置二輪楹於沙厨之上使可引用於左右
植中軸於輪楹之中竅下遠於中層貫大小二
輪



地軸之圖



此柱圍之非圓也

沉板比之渾韃秤重二斤用
木為之沿以銅造使彼隨水
下沉運動諸輪如輕再加一斤

赤道鑲厚一分半 面鑿以碎渠與地軸高輪
上下渠相對使彼運動如光則滑而不轉也
輪中高輪寬五分俱鑿小渠與赤道相磨運轉
小渠者即鉅齒樣也

前圖以日月交食將以明日由黃道月由陰
陽曆之白道及兩道相交出入之處正交
日羅睺中交曰計都凡日月交食星文臨
犯皆不待細推而預可知其休咎

後圖以怪雲變氣者凡人事作於下必天變
見於上天或明示吉凶用告禍福而臣工
祇祥罔辨則變理無方矣故特繪象以分
註其淑慝庶幾為修政圖治之一助云
用砂甚難必須謹潔天下除寶沙不論外其餘
大槩相類惟水沙頗優而風沙次之用時必
先炒過紅色為度方可絕其濕潤生物之性
且楞角既消塵垢亦盡其體自然乾潔鬆滑

方無阻滯之虞每次輪迴頻須篩淨若用久
砂必漸潤則再炒莫使一毫遊絲飛垢相
干否則易塞而百機謬矣此為第一緊要務
也今厨中容沙五斗餘止穀七時之用每日
昏旦須裝砂一次不可使竭

凡時之遲速一出於漏竅之大小今連月測驗
無差已成一定之器不宜再加增損若有物
阻滯沙不下行即當取出銅竅視之去其所

阻而即復裝上

凡裝時須照日晷辰刻若厨内時刻未定暫起
第四軸末抵於輪架中梁百凡運用之機悉
從凡出矣

以二線交結於厨面之三小輪今可齊運

真時盤於中軸之首下五寸許

真觀儀臺於厨面必使臺單時盤而寂音機軸

正時門中止露一人手持時牌加判而迭出

不窮

莫擎天盤於中軸之端視與時盤方位相合必
使陰陽二旗朝夕起伏不爽方為的也

莫渾天儀北高南下北有柱而南有竅以受樞
軸俾儀隨盤口而協天左旋儀中之太陽須
照黃道立成內宿度按日易度粘之

左莫恒氣閣跨於小輪之上置二十四氣於閣
中以稽月令置二十四時於閣下以便民用

右奠月將宮亦跨小輪之上樓間置十二次舍
以質歲功樓下置修短霄分以察更點
廚之四傍各具圖說

左圖以中星時刻更點者將以備用於霄中
用黃道日度加於午正即面南仰視天之
二十八宿以驗辰刻更點使無差忒

右圖以兩戒山河者將以載州域分星天漢
兩戒釋華夷察祲祥可以預知治亂

輪以手執第五輪而正其中輪若時刻已正
即復上第四輪倘日久有塵阻照法更正之
已上皆沙厨中之事

自古以星之隱見為晝夜之限而修短之差咸
距於二至為極消長二十八刻此中土制也
所以更籌必須依氣制造今其十有一條照
號循用之要在符合天道而已

更點之鳴非彼此相因不克為用是故中通一

線係於沙漏之中大輪用其半周每日晡時
照刻定機機類銅錢依筒着子各取置於柱
端機至筒傾而子下先鼓而後金自然聲振
矣

每裝更點時刻各槽恐有塵垢則子滯不行矣
一子不行則衆子俱積要必時時拂拭或投
子試驗畢即臬蓋扇門不可使閑雜人擅動
也

更點圖閤志

圖閤之制以木為之四條同法所以鄣瓦連下
使更點分明也每條長尺有四寸廣一寸二分
厚寸有五分中鑿渠廣四分有底者長四寸深
四分底盡處從下刺空三分深一寸將及底處
留一分以為門階空渠長八寸廣如前渠近門
階左右各開金門以管轄負閤往後二分深八
分之處置小橫梁以鄣機板之下行空渠中置

機板一條長七寸八分厚五厘板首二分入於
門階之下依次則綴圓開圓開左右齊入金門
必使闔闢無碍機板適中之處為竅以受橫軸
軸之兩端入空渠兩旁竅中須深八分過與不
及皆不中機板重後前輕較之相差二分半為
率要使圓開常開九過則闔開闔皆由機板之
低昂員闔廣六分高八分體輕質薄為美中開
闔門比九體稍寬圓徑二分八厘闔下另開二

小竅以線綴關於板使可隨之上下鉛凡重一錢務要極圓否則疾徐失次圓闢每條列成一付首離尾合異受同施共用二付者金鼓各道也奠之須首昂尾垂相懸十之一太高則勢急或至排闥而連行太卑則遲緩或至逗遛而不進故奠之尤宜仔細者也

用簡儀訣

凡用儀莫先定極

極者北極也故以先極為北辰厥位有常居
勾陳文星相距極組適中之處其辰轉而不
遷如門樞之司闔闢故謂之極燕趙視之出
地四十度太瓊崖視之出地一十九度夫極
本無高下之不同也惟其地有南北以儀度
之因而異耳北方近極則管之窺也其勢必

立南方遠極其衡必卧立則出地多卧則出地少是皆由於地之南北而非原野有如此之高下也所以簡儀二極柱中多制孔竅蓋欲其隨地用之可無遠近拘碍之患耳

北極定則諸星之經度皆定矣然後面南視二十八宿中之正當午位者以衡取一距星運赤道環本宿之初度就之務與厥斜相值

天行健當頻窺之隨天遷就


赤道定則諸星之緯度皆準矣以次用乾象考
遂星經緯度分測之

用各星下所註入某宿某度者即緯度也當
用赤道環度為主運四游儀以就之所註去
幾十幾度者即經度也當以四游儀度為主
運玉衡以就之要必先定經後定緯裝驗尤
便

則周天之廣文象之衆可一夕而識十之七八


矣是儀也非書無以考其度非儀無驗以其象
是二者寔相須而不可偏廢者也

天之體半在地
下半在地上




儀製上圓法天下方象地左列時圭右豎指照
積中貯水以北面之下留其海眼使彼自己轉
運晝可以知時夜可以識宿水竭時滿依法再
易則一歲四時可考周天諸宿可知

窺管




周圍一寸五分徑五分

上柱



下柱要長些以安轉軸半輪




先置渾儀一丸即銅毬一圓圍三尺六寸五分
上下照正鑿其二孔以安窺管周圍羅列諸宿
天漢俱鑿小孔其布星之法其上首管拄就安
於極之空處其周野之宿務如北極俱啞定下
管即此天之體也



置銅方櫃一豎高三尺六寸五分平面方之正中鑿一大孔圓圓三尺八寸徑一尺二寸六分分布一十二時卯酉之中錯番二分小孔以安赤道北首上立雲柱南面櫃中下垂象盤


柱銅

式輪車



混儀

指照人柱輪同時主式



車輪四箇一樣
大小上三輪務
要安平母使天
閑之輪高下於
二輪則不轉動
也

時圭在平面之上櫃下安一車輪指照人亦如此兩下之柱不可細輕可與窺管同安柱至地戶之上一二指高用二盤象柱其柱活眼可以轉動

先安赤道於地軸高輪之上次安儀毬以管窺之照極處安定然後定一星為主使定其時時既定照板杓水如板至成時水就添至其板之下令板浮之如水多則板浮高亦線鬆了如水

少板即沉下時有差遲轉運之法先將紅色絲

繩一條

納底繩粗

用白及黃臘魚鱗煮過令彼光滑

先自東面中立一圈穿過線下懸一秤錘就向
時盤輪上繫一遭次向天關輪上繫二遭次向
指照輪上繫一遭次向西面圈上穿過次向地
軸輪上繫一遭下垂係子沉板之上放水流之
盡以考時夜以觀星

車輪之法極難制其時之寬窄大小輕重及地

軸柱上之時刻全係乎海眼之大小如大則水
去急時難定如小水緩時遲定時須用羅經定
時出水方得其真安赤道之法如北極既定星
為主宰角朝東南則赤道依度隨之天關軸上
不安時惟以太陽經度為準如太陽經至角一
度就將卯上安角繩亦隨之全在月將之公正
月娘管二月降婁如不知此則時不安定星度
差遲

天關軸既定夜間諸宿所指者即其星也不用
書察時圭之傍立一銅人舒右手一指向盤其
盤上照依羅經時盤刻就以銅為之如時盤轉
與其式相合若午時不差則其手指向其時
并刻

指照人旗向太陽也如午時則旗向正南申時
向正西也

論馬上日晷法

有客問予曰日之有時何謂也予應之曰立時所以紀日之行也曰天行健三辰隨天一周獨紀日行何也曰一元之氣宗於日東升則明西入則晦明則萬物動而作事理晦則萬物息而作事否事有緩急時有早晏順之者成違之者傾是故天道莫尊乎日而聖王必虞其出以饒其昧於其行也設十二時以識其所臨猶一歲

之有十二月以紀其周天也曰時則然矣而日
以晷考其有訛乎曰地居天中方位有常於是
乎制百刻規板分屬十二辰位中立以表斜准
赤道以測之日晷由此而作也曰有所謂馬上
影符者何也曰日晷必辨方正位然後可以用
之若夫行軍舉事所在方向未明時奚從而取
信智者慮之故復有是器焉較之日晷殆更簡
便而微妙者歟曰簡便微妙可得聞乎曰難言

也雖然敢不舉其要者言之夫景符體無定式
但取其便於懷袖之藏馬上之用耳其形內空
而外方迎日有竅考時有符符用周天四分之
一其勢斜倚而迎照每因就器區畫時刻不齊
故惟符罕見於世予精思有年體認亦悉頗得
所以因變圓為方用方入圓而後時刻與天胞
合其法先隨景符長短畫為方圓方必中短四
外重之以函天度上下皆畫九十一度今以京

師為例北極出地四十度從左至右五十度半
正當赤道之中上下各識之以上方為夏至其
午影中極於赤道右二十四度即自左至右之
七十四度半也以下方為冬至其午影中極於
赤道左二十四度即左至右之二十六度半也
二至午影中極相對畫為一線其勢斜倚二十
四氣午影皆取正於斯為方圖兩旁均畫四十
八度赤道居其中為諸氣之距自此而上數之

度之九十三分爲春秋二分之晝也六度八十分清明白露之晝也一十二度四十二分谷雨處暑之晝也一十七度三十三分立夏立秋之晝也二十一度一分半小滿大暑之晝也二十三度一十九分芒種小暑之晝也二十四度夏至之晝也是皆從旁赤道上數者也晝永之時也自距而下五度一分驚蟄寒露之晝也一十度八十八分雨水霜降之晝也一十六度二十

六分立春立冬之晝也二十度四十七分大寒
小雪之晝也二十三度五十分小寒大雪之晝也
二十四度冬至之晝也是皆從旁赤道下數者
也日短之時也氣位既定更當考協於上下天
度之赤道左右分數用前逐氣之度上下相對
引証各視午影中極無差斯為得矣然後以時
辰冬至午極於二十六度半初末交於二十四
度半而已末則代謝於一十二度自立冬起至

立春九十日日皆出辰入申由此以見冬日之
短也夏至午極於七十四度半初末交於七十
度而已末則代謝於五十度更又分辰申於二
十七度區邠酉於四度自立夏前三日起至立
秋後三日日皆出寅入戌由此以見夏晝之長
也上下各以其類引而界之自然得其時刻修
短之漸此變圖為方之妙方圖立成依序臚符
以置之畧腹迎陽推測則不惟按節可以知時

雖逐日驗刻不真毫厘而千歲之日至亦不能
逃範圍矣此因方入圓之秘尤然地有南北之
偏當以北極高下為准極度不忒則赤道自明
而諸法可施但時之交際惟以渾儀隨地驗其
逐時出地為之增損耳質之定畧尤便是論也
尚冀精知天道者詳現而訂証之豈敢自謂萬
世之宗哉

神道大編曆宗通議卷第十八全終